


Alkitab Buat Bocah Nampilin

Petani ama
Bibit



Nyeng nulis: Edward Hughes

Nyeng bikin gambar: M. Maillot; Lazarus
Alastair Paterson

Nyeng nyocokin: E. Frischbutter; Sarah S.

Nyeng terjemahin: Matheus Nalih Ungin

Dibikin buat: Bible for Children
www.M1914.org

©2023 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.



Satu ari Yesus ngajar di pinggiran setu. Banyak orang pada ngumpul buat ngedengerin Dia.

Kerumunan orang jadi makin gede. Apa nyeng bakalan Yesus kerjain?




Ngeliat ada perahu di deket-Nya,
Yesus naek ke atas perahu. Sekarang
ia bisa ngeliat orang-orang dan
mereka bisa ngeliat ama
ngedenger-Nya.



Yesus mulain cerita soal peribasa,
cerita soal kejadian saban ari nyeng
ngajarin orang-orangn soal Allah.



"Seorang petani nyebarin bibit di kebonnya." Cita Yesus kaya gambaran pake kata-kata bukan cuman gambaran doang.



Orang-orang bisa ngebayangin pegimana petani itu begawe, mereka ngeliatnya berkali-kali.





Beberapa bibit nyeng
disebar jatoh di
jalan kecil. Slep!

Burung-burung dengan cepet
ngambil bibit nyeng jatoh
buat dimakan.




Beberapa bibit jatuh di tanah
nyeng bebatu. Mereka cepet
tumbuh jadi taneman tapi nyeng
kaga kuat. Kena panas mentari
lantas bikin taneman
itu layu karena kaga
bisa beakar nyeng
dalem di tanah.




Bibit nyeng laen lagi jatoh
disela-sela taneman beduri.


Kaga bisa numbuh buat ngehasilin
biji nyeng baru. Taneman
beduri nutupin bibit
nyeng lagi tumbuh,
nutupin dari sinar
mentari ama ujan.



Sisanya lagi dari bibit itu jatuh di tanah
nyeng gembur. Bejalannya waktu, mentik
tumbuh jadi taneman nyeng sehat ngehasilin
banyak biji baru. Petani girang banget
sama hasil panennya.



Di akhir cerita, murid-murid datang ke Yesus.
"Ngapah Engkau ngajarin pake peribasa?" tanya mereka.



Yesus bilang peribasa nulungin orang supaya ngarti soal Allah kalo mereka sayang sama Allah. Orang nyeng kaga sayang kaga bisa paham cerita peribasa.




Yesus ngejelasin soal pribahasa-
Nya. Ia bilang bibit dalem cerita
itu Sabda Allah. Bibit nyeng di jalan
kecil kaya orang nyeng ngedenger

tapi kaga ngarti
Sabda Allah.
Iblis bikin

mereka
lupa
sama apa
nyeng
dibilangin
Allah.



Beberapa orang dengan cepat menerima Sabda Allah. Mereka kaya bibit yang jatuh di tanah bebatuan. Dengan gampang kalau ada orang yang mengganggu mereka atau bikin susah karena mereka sayang Allah, sesuatu yang bikin sedih terjadi.



Orang nyeng sama nyeng dengan girang mulain ngikutin Yesus bakal berobah dan brenti nurutin Sabda Allah. Mereka kaga mao nerima risiko kalo ngikutin Allah. Bukan maen sedihnya karena mereka lebih bae nyenengin sohib-sohibnya ketimbang Allah.



Taneman beduri itu
ibarat kegelisahan

ama kesayangan sama
duit nyeng ngisi
keidupan sebagian
orang. Mereka sibuk
bangat ngupayain
ngedapetin duit
lebih ama banda
sampe-sampe
ngelepasin Allah
dari keidupan
mereka.



Tapi bibit nyeng jatoh di tanah nyeng gembur
ngehasilin panen nyeng bae kaya Sabda Allah masuk
ke ati dan ngubah idup orang. Orang-orang ini
ngelayanin dan ngehormatin Allah.



Rombongan orang-orang kaga mau ninggalin tempat. Banyak nyeng pengen ngikutin Allah dan nyenengin Dia. Pribasa Yesus nulungin mereka ngartiin pegimana kudu nurut sama Allah.



Petani ama Bibit

Sebuah cerita dari perkataannya Tuhan, Alkitab

Ditemuin di

Matius 13

"Palang pintu Firman Engkau ngasih terang."
Mazmur 119:130



Tamat



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

